



m

22



G H





ARREST no. 2 DE LA COVR DES MONNOYES

Portant iteratiues defences d'exposer ny recevoir aucunes especes de monnoye appellees Paragons, & diminutifs d'iceux, qui s'exposent & reçoient pour 3. 6. 12. 24. & 48. sols piece, sur les peines y contenuës, attendant vn reglement general sur la reformation des monnoyes.



A PARIS,

Chez SEBASTIEN CRAMOISY,
ruë S. Jacques, aux Cicognes.

M. DC. XXIX.

Avec Privilège du Roy.



Case

F.

39

1326

1629 Fco

THE UNIVERSITY

LIBRARY



Extraict des Registres de la Cour des Monnoyes.

SVR ce que le Procureur
General du Roy a remon-
stré à la Cour, Que quel-
ques defenses qui ayent esté cy de-
uant faites & reiterées, mesmes
par les derniers Arrests des vingt-
septiesme Iuillet mil six censvingt-
sept, & septiesme Septembre mil
six cens vingt-huict, d'exposer &
recevoir aucunes especes de mon-
noyes de Flādre appellées Patagōs,

A ij

demys, quarts, huitiesmes, & seiziesmes d'iceux, la plus part deslors reconnues falsifiez en leur fin de plus de moitié de bonté; & grand nombre desdits Patagons tellement contrefaits & moulez, qu'à peine les faux se discernent d'auec ceux sur lesquels ils sont imitez, soit par l'inspection, volume, ou autrement. Neantmoins par abus inueteré, & malice des fabricateurs, billonneurs, marchands & autres qui veulent profiter impunément du desordre qu'ils causent & entretiennent aux monnoyes, n'ont delaisié, continuans de mal en pis, quelque soin & diligence qu'on y ait peu apporter, à en faire venir & entrer clandestinement en ce Royaume, & débité

avec telle intelligence & excez,
 que cela s'est pratiqué iusques aux
 payemens publics, en quoy le pu-
 blic est grandement deceu, & le
 feroit dauantage s'il n'y estoit dere-
 chef remedié, ce qu'il requiert. La
 matiere mise en deliberation, LA
 COVR ayant esgard au requisi-
 toire dudit Procureur General, at-
 tendant vn plus ample reglement
 sur la reformation des monnoyes,
 A fait & fait derechef inhibitions
 & defenses tres-expresses à toutes
 personnes de quelque estat & con-
 dition qu'elles soient, d'exposer
 ny receuoir aucunes especes de mô-
 noyes appellées Patagons, demys,
 quarts, huictiesmes & seiziesmes
 d'iceux, tât d'anciéne que de nou-
 uelle fabrication & falsification,

qui s'exposent & reçoivent pour
trois, six, douze, vingt-quatre, &
quarante-huit sols piece, ny les
transporter hors de ceste ville, sur
les peines contenuës aux Edicts &
Arrests, & de punition exemplaire.
Enjoint à tous ceux qui ont ou
auront desdits Patagons & dimi-
nutifs d'iceux, les porter incont-
inent & sans delay aux Maistres &
Fermiers des Monnoyes, ou Châ-
geurs, pour estre fondus & cōuer-
tis en monnoyes aux coins & armes
de sa Maicsté, lesquels Maistres,
Fermiers, & Châgeurs seront tenus
les couper & cizailer à l'instât en
presence de ceux qui en apporte-
ront, & leur payer la iuste valeur
selon les eualuations inserées cy-
apres, dont ils auront & tiendront

vn extraict en fueille & placart en lieu éminent dans leur Change & boutique, à peine aux contreuenans de confiscation, d'amende, & plus grande peine s'il y eschet. ORDONNE ladite Cour, qu'à la requeste dudit Procureur General il sera informé contre les Billonneurs, & ceux qui ont fait venir & débité desdites especes en ce Royaume, enuoyé & transporté, ou transporteront hors iceluy & de ceste dite ville de Paris, & qui contreuiendront au present Arrest, & sera adiugé le tiers des amendes & confiscations au denonciateur suiuant l'Ordonnance. Et à ce qu'aucun n'en pretende cause d'ignorance, sera le present Arrest leu, publié à son de trompe & cry

public, & affiché aux carrefours
& lieux accoustumez de ceste vil-
le, & autant d'iceluy enuoyé par
les Prouinces aux Iuges Royaux,
& Substituts dudit Procureur
General, pour y estre pareille-
ment leu & publié, tenir la main à
l'exécution, & certifier ladite Cour
de leurs diligences au mois. Fait en
la Cour des Monnoyes le douzief-
me Iuin mil six cents vingt-neuf.

Signé, DELAISTRE.

EVALVATIONS DES- *dités especes de Patagons.*

Sçauoir des anciens Patagons, & aucuns de nouvelle fabrication & diminutifs d'iceux, sous les noms de Philip. & Albert. les vns sans millesime, & autres avec millesime, le salaire de change & dechet de fontes deduits.

Lemarc, dixhuiet liures i. s. tourn.

L'once, quarante. cinq s. i. d. obole.

Le gros, cinq s. vii. d. ob. my pite.

Le denier, vn sol neuf den. obole.

Le grain, obol. pite & demie.

Pour autres Patagons falsifiez
& imitez tant sur les anciens que de

nouvelle fabrication, & diminutif.
 d'iceux, sous lesdits noms de Philip. &
 Albert. avec millesime & sans mille-
 sime, aussi le salaire de Change &
 dechet de fonte deduits.

Le marc, hui&t liures hui&t sols.

L'once, vingt & vn sols.

Le gros, deux sols sept den. obole.

Le denier, dix deniers obole.

Sauf à ceux qui ont ou auront
 quelque quantité des susdits Pata-
 gons, ou iusques à vn, deux, trois
 & quatre marcs & au dessus, qui
 seront en differend du tiltre, bonté
 & prix, de les bailler au poids aus-
 dits Maistres ou Changeurs, qui en
 chargeront leur Registre, ensem-
 ble de tout ce qu'ils receuront pour

billon, iceux à l'instant cizaillez
comme dit est, pour estre fondus
& fait essay, où assistera l'un des
Gardes, ou le Contre-garde de la
monnoye, & suiuant l'arresté du
compte qui en sera fait estre la iu-
ste valeur payee.

L'AN mil six cents vingt-neuf,
le Mercredy vingtiesme Iuin le
present Arrest a esté leu & publié à
son de trompe & cry public, en la pre-
sence de nous Nicolas Lambert &
Nicolas de la Boissiere Huissiers en
la Cour des Monnoyes, aux carre-
fours & lieux accoustumez de ceste
ville & fauxbourgs de Paris, par Si-
mon le Duc Iuré Crieur de ladite
Ville, Preuosté & Vicomté de Paris,
accompagné de Mathurin Noires

*Juré Trompette, & de deux autres
Trompettes; à ce que du contenu au-
dit Arrest aucun n'en pretende cause
d'ignorance, & sur les peines y con-
tenuës.*

